

Centro Juvenil Tanki Leendert

Centro Juvenil di Tanki Leendert, uno di e organizacionnan principal di e isla pa duna muchanan di e comunidad actividadnan organiza di recreacion, ta uno di e lugarnan na unda S.A.R. Princes Beatrix a stop durante su bishita na Aruba.

E centro juvenil a ser inaugura den primavera di 1958 y ta e realizacion di un sonjo di su fundador y actual President Severiano Luydens di Lago su Departamento di Relacion Publico y Industrial.

Mas di 300 hoben di e comunidad regularmente ta haci uso di e centro. E edificio a ser regalá door di Lago y fondos for di Lago Community Council a yuda prepara e edificio y terreno pa e varios actividadnan cu ta tuma lugar na e centro tur siman. Sr. Novito Dijkhoff a regala e terreno y un cantidad di comerciantenan di e isla a yuda pa haya muebles pa e edificio. Gobierno di Aruba a traha un cura rond di e club y ta sigul mantene e terreno.

E Centro Juvenil di Tanki Leendert, cual ta reconocí di tin uno di e mehor veld pa volleyball, ta e sitio pa hopi competitie insular.

E centro tambe ta forma e lugar pa uni e seccion di Ant. Meisjesgilde mas activo ariba e isla. Tambe el ta e lugar di train pa un variedad di gruponan musical. E centro su grupo di "aguinaldos" Las Blancas Palomitas, actualmente ta di tres entre e gruponan di e isla. E centro tabata e sitio na unda Carnaval Juvenil a nace.

Promer di existencia di e centro juvenil, Tanki Leendert su hobennan tabatin masha hopi tempo liber sin haci nada. Awor, nan ta yuda pa nan mes desaroya pa ser excelente adultos. Na



President di Lago W.A. Murray a haci un donacion na president di Centro Juvenil di Tanki Leendert, Severiano Luydens. Tabata un regalo pa yuda apoya e varios actividadnan di e centro juvenil aki, cu berdaderamente a bira un orgullo pa nos isla.

ocasion di e bishita di Princes, e hobennan di e centro a preste'le cu un regalo cu nan mes a traha.

Ora President W.A. Murray a presenta e donacion di Lago na e Centro Juvenil, el a felicita e centro, majornan y e comunidad, ariba nan trabau cual tabata di balor pa e juventud di e isla. El a desea nan exito den futuro esfuerzonan, y a munstra cu Tanki Leendert su Centro Juvenil "en realidad ta un tributo na e clase di pensamiento cu ta resulta den un mayan mehor pa Aruba."